

DISPUTATIO MEDICA THEORETICO-PRACTICA  
DE

# OFFICIO MEDICI CIRCA ADIAPHORA,

*Quam,*

AUSPICE DEO OPTIMO MAXIMO,  
IN ILLUSTRIS ACADEMIA FRIDERICIANA  
RECTORE MAGNIFICENTISSIMO,

*SERENISSIMO PRINCIPE AC DOMINO*

**DN. PHILIPPO WILHELMO**

PRINCIPE BORUSSIAE, MARCHIONE BRANDENBURGICO, AC DUCATUS MAGDEB.  
VICARIO,

*GRATIOSISSIMO FACULTATIS MEDICÆ CONSENSU,*  
SUB PRÆSIDIO

**MICHAELIS ALBERTI,**

MEDICINÆ DOCTORIS,

Publicæ Ventilationis exhibet

RESPONDENS

**JOHANNES BAPTISTA LEDERGERW,**

Diefenhoffiano - Helvetus.

*d. Septembr. A. O. R. MDCCVIII.*

---

HALÆ MAGDEBURGICÆ,

LITTERIS CHRISTIANI HENCKELII, ACAD. TYP.

THEORY OF THE ARTS

# OFFICE OF THE

SECRETARY OF THE

DEPARTMENT OF THE

NAVY

WASHINGTON

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897





## PROOEMIUM.



Am sacra & religioso animo vene-  
randa inter mortales æstimatur  
Philosophia, ut secundum ejus u-  
sum & exercitationem non tam  
selectus personarum sed ani-  
morum instruatur, quorum glo-  
riam post funera neque dies ne-  
que temporis mutabilitas dele-

bit, sed ad altiora fastigia nobilitatis, dignitatis,  
memoriæ & celebrationis evehet, & elevabit: hæc enim  
illa Palæstra omnis felicitatis audit, quæ optima consilia  
& adminicula pro *αὐτάρκτη* animi & corporis obtinendâ  
promptè ministrat, & sponte largitur; hæc ut facundus  
comes in omnibus reliquis scientiis, disciplinis & artibus  
celebratur, quæ nobiscum peregrinatur per salebrosos  
rerum gerendarum anfractus, & bivia seductionum, &  
impedimentorum; hæc ut alma nutrix tenellulorum æ-  
que ac firmiorum animorum cum publico ferè applau-  
su veneratur, laudatur & colitur, quæ plena ubera sua,  
præ dulcedine, jucunditate, soliditate & dexteritate tur-  
gida uberrimè effundit, & cum voluptate emulgenda of-  
fert: tam sacra olim, neque indignior inter nostrates re-

*Bi. Libr.*



putatur Philosophia, ut mirum esse minimè debeat, quod omnium scientiarum, fons, fundamentum, & fulcimentum esse, fieri, manere, requiratur, & provocetur, imo, quod verus Philosophus pro divino homine, & numine quasi terreno aestimetur, haheatur, & exponatur. At mihi non exponendam eligo illam Philosophiam, de quâ dicitur, quod verus Philosophus sit etiam bonus Christianus, id quod absolute in dubium vocare, neque audeo, neque possum, sed aliam Philosophiæ habilitatem, & exercitationem explicandam, & applicandam sumo, quæ in nostro foro, & arte Medica ornamentum, splendor, commodum, & promptuarium felicitatis, utilitatis, & salubritatis esse potest, & esse etiam solet. Quem latet fortè nostrum, illud commune suffragium, quod *bonus Medicus debeat esse bonus Philosophus*, imò, quod adhuc pro egregio testimonio, & monumento infervit, quando Divus Senex cum summa generositate, & gravitate eloquitur in libr. *de decenti habitu*: Δεῖ μετάγειν τὴν σοφίην εἰς τὴν ἰατρικὴν ἢ τὴν ἰατρικὴν εἰς τὴν σοφίην ἰατρὸς γὰρ φιλόσοφος, ἰσόθεος: *oportet sapientiam ad Medicinam transferre, & Medicinam ad sapientiam. Medicus enim Philosophus Deo æqualis habetur*: adeo solennis est illa Philosophiæ seu sapientiæ provocatio, ut non tam antiquitas, quam recentior ætas ejus dignitatem, & utilitatem, vel celebribus admodum vel vivis adhuc splendidis exemplis, offerat, adferat, efferrat. Loquitur hæc Hippocrates inter mortales de mortalibus, undè alienum esset, tam ambitiosum, & fastuosum hoc effatum declarare, quo hominibus absolute aliquam divinitatem, & non aliam nisi ethnicam, & superstitiosam promittat, sed differtè & distinctè statim subiungit, quib9 factis Medicus Deo æqualis fieri queat, quippe



pè quæ si modestius interpretantur, facile excusabunt hujus eloquii simplicitatem & dexteritatem : hæc enim *ισότης* non ad universalem hominis statum sive absolutam essentiam sese extendit, sed primo tantum aliquam transitoriam & gratuitam similitudinem indicat, deinde accidentalibus de Medico prædicat, quod famâ, & gloriâ intra mortalium limites *ισόθεος* existere queat : quæ cum famam hominis maxime respiciant, ita minime ultra terminos restrictæ, & per hyperbolen indicatæ immortalitatis diduci debent. An ad tantum famæ suæ fastigium Medicus Philosophus pervenire queat, haud dissentio; est hujus gloriæ fulgens specimen ipse antiquus ille Medicorum parens, cujus splendorem tempus mille annorum extinguere haud sategit, sed ad ultima spatia denique constanter transferre perger. Hæc σοφία cum oïes suos passim ab omni ætate & in omni tempore obtinuerit, ita diversa offendicula, & scandala eandem irreperunt, ut nihil turpius nisi philosophi nomine hinc inde exprimi potuerat, aut quod nihil tam absurdum proferri queat, quod non à philosopho dicatur; hinc illæ frustrationes tam egregii nominis, ubi multi veram illam sapientiam pro usurâ, & testimonio avaritiæ tradiderunt, quos tamen talem malam sapientiam exercentes, σοφότητος Socrates solidè refutavit, & plebis fecibus merito exposuit, tanquam perversæ sapientiæ cultores, & magistellos. Neque fastum & ambitionem in philosophiâ suâ Hippocrates annotavit, verum rectius omnem superbiam, philautiæ & spuriae autoritatis eliminationem serio commendavit, ac specialius pecuniæ contemptum, reverentiam, modestiam in vestitu, bonam estimationem, Judicium, lenitatem, promptitudinem, munditi-



*em, sententiosam eloquendi concinnitatem, cognitionem*  
*ναδαγσίωv χενσῶv καὶ ἀναγνῶσιωv, evacuationum, purgatio-*  
*num* (sive sponte fientium, sive per medicamenta eden-  
 darum) *ad vitam utilium & necessariarum*, graviter an-  
 notavit, laudavit, & suavit: & hanc Philosophiam Medicos  
 docuit, quando illā gloriam affectare contendunt; quippē  
 quæ ficuti minimē nudæ philavtiæ inhæret, sed plures  
 scaturigines commodi in artem Medicinā effundit, ita me-  
 ritō ex Hippocratis vero sensu commendanda, & laudan-  
 da est. Utinam modo tam simplex & sincera substi-  
 tisset illa philosophia practica Hippocratica! non deerunt,  
 qui mihi facilem assensum præbeant, quod tam utilis  
 philosophia criticis, & Catachresticis excursionibus tur-  
 bata passim, imō deturbata fuerit, ut verbis magis,  
 quam solidā rationali & iudiciōsā cognitione illæ purga-  
 tiones ad vitam utiles, & necessariæ deductæ, & expli-  
 catæ fuerint, undē ex laudabili, & de experientiae ro-  
 bore erutā philosophiā, sterilis philologia, & verborum  
 fastus ortum duxit: quantum verō hæc lubido loquendi,  
 colloquendi, & obloquendi profecerit, testatur illa Medi-  
 cina quæ citra Philosophiam Hippocratis exercetur. Et  
 quemadmodum Laudabilis sapientia Medica usum in se  
 incomparabilem promittit, ita summus Medici, aut ad  
 veram artem Medicam adspirantis labor & conamen  
 esse debet indefessum, ut non tantum eandem rectē &  
 solidē cognoscat, & agnoscat, sed subindē pariter acqui-  
 rat, ut omnium fructuum & utilitatum exinde ema-  
 nantium particeps fieri, & perpetuus constans posses-  
 sor esse queat. Turpis vero est illa Philosophia, quæ  
 tropicis magis Laudibus, & dictionum exaggerationi-  
 bus turget, cujus frons calva, vultus austerus & sordi-  
 dus



dus, oculi ambitiosi, os mendax, pectus gratuitis opinio-  
 nibus turgidum & squalens, abdomen fecibus supersti-  
 tionum oppletum, pedes labiles, titubantes & incon-  
 stantes sunt, hæc enim minime *ισόθεον* reddit Medicum,  
 sed communi hominum opprobrio & offendiculo expo-  
 nit: quæ verò rerum suarum certa, integra, constans,  
 ubique cohærens, sincera, solida & à communi loqua-  
 citate aliena est, illa certè spontè & dextrè summam fe-  
 licitatem Medico spondet & promittit: *quæ si quis elinguis*  
*usu discreta bene novit, hunc aliquanto maiorem*  
*Medicum futurum, quam si sine usu linguam suam excolu-*  
*erit; Morbi enim non eloquentiâ, sed remediis curantur,*  
 ut solidè *Celsus* eloquitur. Tantus profectò abusus repe-  
 ritur in Medicinâ, ut Philosophia pro ornamento & fu-  
 gitivo splendore non raro assumatur, neque ad illam cog-  
 nitionem purgationum in vita utilium & necessariarum  
 applicetur, sed quæ temerariâ quandoq; & superfluâ elo-  
 quentiâ, verborum elatione, ac lenocinio, & quas Hip-  
 pocrates sophisticas argumentationes increpat, princi-  
 piorum domesticorum applicatione gloriatur & super-  
 bit. Hæc est nata & germana supposititiæ & spuria Phi-  
 losophiæ, quæ factis & experientiæ contrariatur, quæ  
*Θεορσιν* accelerat & incipit, ante usum seu experientiam,  
 five ad veterum, ipsius divi senis, Galeni & Valeriolæ mo-  
 nitum, ante cognitionem morbi & hominum na-  
 turæ atque speciei, ætatis, privati etiam moris,  
 quem *ἰδιοσυγκρασίαν* vocant, regionis, temporis status, & cæ-  
 terorum quæ ad morborum curationem necessaria sunt. Hæc  
 philologia quantum detrimentum sapientiæ Medicæ  
 conciliet, brevibus & in compendio vix eloqui potest,  
 ut tantum aliqua hinc indè tangere, & artem Medicam  
 successivis vicibus à bejusmodi, abusibus vindicare, de-  
 fen-



fendere, repurgare, & suæ integritati restituere, meritò de salute & famâ Medicinæ solliciti, allabarent & cooperentur. An non talis Philologia, aut rationis & elocutionis Rhetoricæ studium, experientiæ præposita, multistricis potius & ambiguitatibus in artem Medicam reptantibus, viam & occasionem subministraverit, haud dubitandum est, siquidem prudens therapia hujus morbi faciem detegit & develat. Tam diffusa verò & extensa hæc sentiendi, & loquendi libido est, ut quandoque recursus deficiat, & applicatio solida omnem reliquam opinionum farraginem & apparatus destituat & frustretur, ut unicum illud subsidium adhuc præstò sit, in fine tale tentamen offerre & commendare, quod neque crudius opinioni, neque crassius experientiæ repugnat, imò, quod neque theoriæ neque praxi notorium aliquod & conspicuum commodum, præjudicium aut nocumentum (ut opinatur) conciliare potest; Interim sub indifferentismo tali multas æquivocationes involvit & continet. Quæ verò cum solidæ arti Medicæ minime veram sapientiam, utilitatem & æstimationem afferant, sed eandem coniecturis, speculationibus & experimentis oppleant; Ita fanè convenit hoc negotium paulò exquisitius & providè magis inquirere, pertractare, & verum studium Medici circa offendicula talia designare. Hinc de præsentī utilem illam materiam de *Indifferentismo Medico*, sive de OFFICIO MEDICI CIRCA ADIAPHORA tam secundum ductum rationis, quam experientiæ verum consensum, explicandam suscepimus.

Quod conamen, ut in benignissimi Dei honorem, proximi verò emolumentum cedat, & nostræ intentionis verum scopum attingat, est, quod humillimè exoptamus.



**C**UM de *Indifferentismo Medico*, & officio Medici circa *Adiaphora* differere constituerimus, pauca quædam, antequam rem ipsam pertractemus, de vero sensu & autoritate indifferentismi prælibanda erunt, præmissâ modestâ excusatione ipsius Thematis, & applicatione ad propositum nostrum. Præbuit nobis occasionem pro hac materiâ condignè pertractandâ *Hippocrates*, qui in *lib. de flat.* Medicinam prudenter & solidè explicat, quod sit *πρόσθεσις* & *ἀφαίρεσις*, additio & subtractio, & eorum quidem quæ abundant, subtractio, eorum verò quæ deficiunt additio; subjungit statim characterem boni Medici; *Qui verò istud optimè facit, is optimus Medicus existimandus est; quique plus abest ab eo præstando, is plus in arte Medica deficere censetur.* tam sollicitè ille suum cuique tribuit, attendit, & commendat, ut illis, qui talia probè observant, præmi-um laudis constituat; hanc Medicinam verò tam prudenter distinguit, ut abundantia subtractio, & defectui additio inserviat, quos actus minimè confundit, aut inter indifferentes collocat, sed ex justâ & conveniente horum administratione optimum Medicum dijudicat, & commendat; huc facit illud *Celsi* testimonium, *de veter. Medicinâ: non enim quidlibet, inquit, antiquiores viros agris inculcasse sed cogitasse, quid maximè conveniret, & id usu explorasse ad quod ante aliquâ conjecturâ ducti essent: Utrique vero hi viri, de re Medicâ optimè meriti, tam serio inculcant, quod in arte Medicâ non conveniat, quid pro quo tentare, sed ita exquisitè suis rationibus indicationes jungere ne error obrepât & artem Medicam confundat. Tam implicata verò est non nunquam Medicina, ut in morbis, quos *Hippocrates* *ἀφανιστάτους* & *χαλεπωτάτους* obscurissimos & difficilissimos appellat, opinionem magis, quam artem exerceat; iisque tali*



râ & medelâ subveniat, quæ si non positivè juvare, attamen nocere nequeat, aut non debeat, & *quæ si ad experientiam descendit, dicit Baglivius, vel per jocum imitatur naturam, vel ex paucis experientiæ manipulis, ad axiomata generalia, intempestivè transcendit, & ab his potius, quam à Phænomenis sedulo detectis ad causam latentem argumentatur*: Hæc argumentatio si fida, vera, & integra haud deprehenditur, tamen aliquid agere imperat, ne patientem destituat, & Medicinam, ut mancam, imperfectam & incertam aliorum risui & ludibrio exponat: Inde oriuntur illi indifferentismi inter Medicos cordatiores, qui dum patientem infido aliquo tentamine aggredi recusant, tamen eundem non penitus deserunt, sed analepticiis, nervinis, corallinis, perlatis, & fixis antimoniatibus tractant & instruunt, ex talibus sicuti moderatiora seliguntur, ita notabile quoddam nocumentum inferre non judicantur: Hinc illa formula inter plebem jamdum insoluit *hülffts nicht / so schads nicht*; an verò cum tali medelâ abundantia, subtractio, & defectui, additio subjungatur, vix credo, verum rectius, multa exindè dubia & ambiguitates, tam in diagnosi, quam prognosi, & therapiâ occurrunt & insolescunt. Hinc minimè titulus disputationis nostræ ad metaphysicam extendi debet; neque nostrum conamen irritum & inutile reddet objectio illa, quod neque veteres, neque recentiores de tali materiâ unquam scripserint, aut disputaverint, & quod adeò ut novum & inauditum quid, scientiæ & arti Medicæ consulere & inservire nequeat; cum econtra antea tradita applicatio dicti Hippocratici ad nostrum propositum, autoritatem non novitatis, sed antiquitatis clarius designet, & ipsa explicatio non nisi usum realem practicum promittat & offerat, qui ex cognitione ejus quod secundum rectam rationem fieri debet inclarescit & profluit.



Circa verum sensum *Indifferentismi*, dicimus quod *indifferens* nil aliud sit, quam quod neque *bonum*, neque *malum* in se est, interim per *accidens* utrumque fieri potest: *Indifferentismus* est nobis actio in se neque bona neque noxia sed in *specialiore usu & applicatione*, per *accidens* scilicet, ad utrumque tendit & inclinat: agunt de hâc materiâ paulò frequentius Theologi & Philosophi, speciatim moralistæ, sed testatur etiam ipse usus rerum inter alios, quod extra horum forum, *indifferentia*, & *indifferentismus* passim occurrant; illi cum in decidendis *indifferentismis* & acurati, & solliciti esse soleant, ut applicationes sinistrae, vitia, errores, & peccata præoccupentur, & tantus ejusdem usus doceatur & exhibeatur, ut unice ad bonum, minus vero ad malum & sinistrum effectum deducatur; interim utique constat, quod malè moratus, & ad mala de natura magis tendens animus hominum hunc *indifferentismum*, & *adiaphora* communiter ad noxia, prava, & sinistra deferat & dirigat; ita in medico foro non tantum multa *adiaphora* occurrunt, sed tantus etiam eorundem abusus passim deprehenditur & assurgit, de quo effectus & finis testantur, quod in *indifferentismo* insignis turbatio & æquivocatio respectivè ad multiplicem scilicet usum lateat, & quod *adiaphora*, si non semper *positive*, tamen multis vicibus *privative* noxam, & errores pariant. Elegans est locus, quem de *medicinâ* in *lib. de arte* profert *Hippocrates*, & qui certo modo in nostram rem trahi potest; *neque verò magis, inquit, quæ offenderunt, quam quæ profuerunt, artem esse comprobant. Siquidem hæc quod rectè adhibita fuerint, profuerunt, illa verò ob incommodum eorum usum nocuerunt, quamquam ubi rectum & prævum suis finibus circumscribitur, quis hoc artem esse non*



*existimet? neque enim artis nomine istud donandum existimo, in quo neque rectum, neque pravum inest: At ubi utrumque adfuerit, quis non hoc ex arte potius, quam sine arte effici fateatur? in quo loco ex verâ arte eliminat illud, in quo neque pravum neque rectum inest, si verò utrumque exoriatur, illud arti imputat, quasi talis Indifferentismus, quando aliquem effectum sortitur sive bonum sive malum, ad artem referendus sit, ut non minus Medicina adiaphorata lia includat & contineat, sicuti aliæ disciplinæ: & hic est sensus simplicior Thematismi nostri, qui in applicatione magis elucebit.*

§. III.

Illam vero est in hodiernis maxime temporibus fors, ut illæ res, quæ *autoritatibus* ornari possunt, magnum applausum & æstimationem recuperent, quid quod eo devenerê mortalium ausus, ut quando unum aut alterum vel longissimè etiam petitum assensum allegare queant, scientiæ, & peritiæ suæ abunde satisfactum fuisse, communiter credatur; quod verò ex indifferenti ejusmodi ad auctoritates provocatione multæ una delusiones & frustrationes oriantur, testatur quotidiana etiam experientia: Hoc ipsum meritò de indifferentismo medico prædicari potest, quippe qui integritatis suæ firmitatem hinc inde ex auctoritatibus suffulcire contendit; ut adeo minime ignorantia & temeritatis argui fortè debeat. Quem latet fortè illud compendium indifferentismi quod *Celsus* communicat? *satiùs est, inquit, anceps experiri auxilium, quam nullum*, quo dièterio hinc inde tantam audaciam conciliavit, ut ad illud adiaphorum multi, tanquam summa auctoritate suffulti, provocent, & ex auctoritate veterum, illud suadeant & imperent: cui verò in contrario  
refi-



resistit illud Hippocratis quod in *lib. de fractis* dicit: qui nihil in consilium adhibent, plerumque nihil peccant, & præ illo ancipiti remedio, satius esset tutissimum & certissimum seligere, quo non peccatur, aut error committitur, qualem Medicum *vehementer laudat Hippocrates in lib. de priscâ Medicinâ*. Offert sese in nostro negotio latissimus praxeos Medicæ & experientiæ campus, in quo contradicere absurdum & temerarium reputetur, quando tot exempla & documenta hujus indifferentissimi cum maximis laudibus alibi efferuntur, quasi in hoc & in illo anceps remedium tam nobilem effectum edidisset, ut secundum communem formulam felicissimè curatus fuerit æger: sed hæc adiaphora, & titubationes, aut incertitudines jam ipse plebs scit, quæ, quando Medicum in aliquo morbo vero auxilio destitutum animadvertit, præcipuè si paulo diutius morbus patientem detinuerit, medico quasi consilium illud tacitè præbeat: Er möchte doch dem Patienten ein Arzney verschreiben / aus der man sehen könnte ob die Krankheit zum leben oder zum todt ausschlage. Tam intricata est auctoritas indifferentissimi, ut verum Judicium de eo formando mihi illud Senecæ arrideat qui in epist 82 dicit: *Indifferens nihil gloriosum est, nihil indifferentium* (quorum aliqua nominat) *per se gloriosum est*: licet hæc ad moralia adiaphora pressius applicet, non tamen hujus auctoritatis firmitas in Medicinâ deerit, quando omnes errores & ἀμαρτήματα Medicus evitare debet, quæ facilimè & liberrimè ex illo indifferentissimo enasci solent. Et hæc auctoritatis provocatio non tam in arte Medicâ valet, verum & in scientiâ & cognitione, ut passim licentia speculandi & theorias formando, quasi dono data professio existat, modo in experientiâ & arte Medicâ con-



venire liceat, & deceat; huius rei autoritatem allegare superfluum est, quàm ipsa comparatio Hypothesium Medicarum, & nonnunquam notabilis elenchus per præcipitantiam aut festinatam sinceritatem insertus, obsignare poterit. Unde ad ipsam specialiore[m] explicationem, indifferentis actûs in Medicinâ, & officii circa indifferentia progredimur.

§. IV.

Cum *experientia* sine ratione sit quasi devastatum domicilium, complementum ac fundus audaciæ & temeritatis, ut Pandoræ pyxis, ex quâ, velut ex aliquâ lacunâ, multi errores & inevitabilia nocumenta erumpunt & profluunt; *Ratio* verò sine experientiâ speculum phantasiarum & gratuitarum opinionum existat, ita utrumque iustè & dextrè, solidè & sincerè connectere omnimodo convenit: illa præit, hæc sequitur, illa docet *quid*, *quando*, *ubi fiat*: hæc, *quomodo*, *undè*, *cur fiat*: illa *effectus*, hæc vero causas eorundem explicat. Conveniens itaque videtur circa experientiæ declarationem, initium formare & rationis potestatem subiungere; cum verò generaliora quædam ante specialiore[m] tractationem de rationis indifferentismo proferre necessitas postulet, hanc præmittemus, ut in experientia constet, an talia adiaphora theoretica, praxi & experientiæ adæquatè & iustè congruant. Maximum verò rationis conamen & sollicitudo est, ut Medicinam à conjecturis vindicet, liberet & repurget, ne ille dissensus Theoriæ & praxeos Medicæ in vulgi notitiam usque devolvatur, adeoque Medicina infirma, incerta, audax, experimentalis inter rudiores audiat, & hinc inutilis, inconsulta & nociva prædicetur; non desunt hujus offendiculi testimonia, quando  
sophistæ



sophistæ olim Medico nil turpius denotari posse, asseruerunt. Neque tantum Medicinæ famam conservare interest, sed etiam ejusdem dignitatem & utilitatem, quæ minimè per conjecturas, sed solidas rationes, & exquisitam, veram scientiam comparatur; unde enim præstat ut medicus tam in scientiâ, quam peritiâ rerum suarum certus, firmus & constans sit: Neque tam abstrusa & obscura res est Medicina, ut, quoniam secundum rudem explicationem corporis machinam intueri & introspicere nequeat, inde non nisi conjecturis progredi debeat, adeoque conjecturali Theoriæ, conjecturalem praxin subordinet, nudis conjecturis curet, & per accidens quandoque bonum effectum eliciat, ut mirum esse minimè omnium debeat, tot, tantasque fallacias in medicinâ frèquenter occurrere, siquidem ipse Hippocrates cordatè profitetur: *quod medici fallantur, cum morbi causam ἐν ἀρχαῖς non exactè, non exquisitè, non fideliter investigant, sed dubii, ambigui, incerti, & titubantes sunt.* Tam intricata inquam medicina non est, ut licet clarioribus oculis motus in corpore, operationes, & partium actuationes perspicere non valeat, eo ipso omnibus subsidiis rationem solidè applicandi privata & destituta sit; modo in historiâ medicâ, effectibus & productis, certa sit & firma. Certè benignissimus Creator mnimè occultavit, *motus, successus & ordines* ad vitam & sanitatem maximè utiles & conducibiles, neque natura tam secretam se gerit, ut ipsos motus & effectus eò necessarios quasi *incognito* exserat, sed quos simplicissimus homo discit, attendit, & explicat, *er mußte wissen was seiner Natur nützlich oder schädlich wäre / seine Natur könne dieses oder jenes nicht vertragen / inclinire hler o der dargu / helff sich hier oder*



oder darmit & sic porro , ut talis scientia ex effectibus comparetur, quos ita dicta natura non occultat, sed libere & aperte sistit: Potest insimul præcipuè medicus ad talem integritatem necessarios apparatus ἀτρεκέως attendere, *instrumenta* per quæ tales motus ad effectus ordinari & dirigi debent, cognoscere, methodos in salutaribus & noxiis effectibus discere & comprehendere, successus debite respicere & considerare, ut itaque secundum hosce respectus unicè ad medicinam necessarios nihil obscurum, nihil intricatum, nihil abstrusum esse queat, modo omnia liberè, tranquillè, proportionatè & simpliciter, non vero turbatè & perversè progrediantur, omnium maxime vero si finem & mediorum applicationes ad finem, prudenter, accuratè, non præjudiciosè neque præcipitanter & confusè medicus considerat; reliquæ enim contemplationes & rationes quomodo v.g. cor, ventriculus, aut musculi moveantur, adeo directè ad medicinam nihil contribuunt, nisi ad τὸ εἶναι eadem requirantur, quas tamen curiosas investigationes neque contemnimus, neque reiicimus, modo sine labe sint, & medicinam confundere non adjuvent. Hisce itaque principalissimè cognitis, quid fiat, & quid salutariter fieri debeat, ratio supervenit, pro inquisitione, cur fiat primò, & deinde quibus mediis, & denique etiam quomodo fiat.

§. V.

Tam provida vero rationis exercitatio & administratio esse debet in Medicinâ, ne ad illa quæ necessaria & utilia haud sunt, prolabatur, & ex opinionibus scientias mentiatur, sed rebus solidis inhæreat, easque condigne explicet: principalissimum vero est, ut ratio adhibeatur in illis rebus quæ re ipsâ seu actu fiunt, non verò quæ *forte*  
aut



aut *facile*, aut *probabiliter* fieri possunt: unde circa effectuum rationalem explicationem scire expedit, primo *cur* fiant, *cur ita* & non aliter contingant, *cur ita fieri debeant* aut *soleant*, seu in quem usum & finem fiant, an ita fieri expediât, an aliter noceat, & si aliter fiant, an in rectum ordinem, viam & Methodum redigi debeant, ita unius finis contemplatio, cognitio & scientia, ad alterum præcipuum finem progreditur, vel æquales, iustos & salutares motus & effectus conservando, vel eosdem ab aliis inconvenientiis liberando, & defendendo, vel in iustum ordinem redigendo & restituendo. Et hæc est Hippocratis dogmatica & rationalis Medicina, qui singulos motus & effectus summâ attentione & providâ ratione advertit, comparavit, applicavit, & secundum hanc rationem consilia & auxilia subordinavit: huic etiam scientiæ principalissimè medicus invigilare debet, si rationabiliter progredi intendit. Accedit & altera ratio, unde motus, ordines, mensuræ, methodi & progressus dependeant, ut distinguere sciant inter illud quod *absolute* morbidum & noxium, & quid in morbo salutare & conveniens sit, adeoque per rationem edocti & cum ratione certi evadant, cui subvenire conveniat, & an auxilia medica ad eandem causam commodè pervenire & transferri queant. Ad infimam classem pertinet, ratio quomodo motus tales fiant, & quidem specifica, determinatio motûs in singulis partibus, cui modo ut in therapia subvenire si non planè impossibile, tamen difficile est, respectu corporis per se considerati, ita medico fidam & constantem aliquam utilitatem haut facile pollicetur, præcipuè si motus eiusdem proportionem, ordinem, tenorem, gradum & constantiam respiciamus,

C

sed



sed hæc consideratio ad amplificationem Theoriæ Medicæ pertinet. Et hæ sunt illæ generaliores viæ, in quibus ratio solida versari, experientiæ se iungere, & veram scientiam formare debet; imò in quibus ex maximis conjecturis emergere, & ad certitudinem medicam pervenire commodè & fideliter vacat.

§. VI.

Nostrum propositum non fert medicinam conjecturalem latioribus deductionibus depingere, & ex eadem emergendi specialiozem methodum præscribere, cum ad scopum nostrum ex dictis progredi ordo postulet. An in tali medicinæ conditione indifferentissimus detur circa *rationem* & *Theoriam* medicam merito quæritur, & à nobis breviter per affirmationem respondetur: præcipuè verò sub illa explicitâ expressione, quod in theoriis medicis innumeri indifferentissimi deprehendantur, & in modestâ explicatione centum & mille adiaphora inveniri queant; omnia & singula vero proferre centum & mille paginas postulabit; ne verò hæc à nobis tantum dicantur, licebit hujus asserti demonstrationem aliquam subiungere. Diffusa perquam est theoria medica, undè qui generalia de medicinâ tractant, non ad unicum negotium sese adstringunt, sed plura simul pertractanda suscipiunt: hinc diffundimur in plures theorias, speculationes, opiniones & credulitates medicas, in quibus adiaphora vigent. Theoria vera, justa, solida, firma, constans, excludit adiaphora, sed positivè explicat quid bonum aut malum, dextrum aut sinistrum sit, quando, undè, cur, & quomodo tale quid existat: vera Theoria non titubat, nequè prævaricatur, multo minus tam inconstans est,



ut hodie quidquam noxium, cras verò utile prædicet in eâdem causâ, alibi ad indifferentissimum colloquet. Dantur quidem in Theoriâ medicâ varia indifferentia, quæ ita absolute medicinam & theoriam medicam non confundunt, sed quam primum applicatio & progressio ad illud quod in individuis fieri solet, instituitur, non potest aliter, quin noxius periculosus inde indifferentissimus exoritur: sicuti v. g. motus aeris, caloris & frigoris in se neque bonus neque malus est, & ad adiphora pertinet, respective verò aut bonus aut malus fieri potest, quando ad individua applicatur, non universali progressionem, sed speciali æstimatione ejusdem secundum sensibilitatem: de hisce theoria vera asserit, quod non indifferenter bona aut noxia sint, sub conditione aliquâ demonstrabili, & non fictitiâ: huc etiam pertinet Pathologia *Salsâ*, quæ minimè indifferenter applicanda, sine differentiâ subjectorum individualium: unde alienum est dicere & absolute inferre, quod effectus spasticæ & convulsivæ strictionis & contractionis, à sale stimulantem, vellicantem, pungentem, irritantem indifferenter dependeat, cum in uno individuo & numerice etiam pluribus aliis salinâ diætâ maximè abutentibus, nihil quidquam spasticæ strictionis per totum vitæ suæ curriculum sese exserat, & in aliis parcissimè salibus fruentibus, arthritidis, Ischiaticum, nephriticum & hypochondriacum malum insolescat.

§. VII.

Communis est philosophorum regula, quod unius rei plures causæ esse queant, ut necessarium non sit ad illud indifferentissimum prolabi, & unam causam omnibus rebus assignare: generalis hic est indifferentissimus,



in theoriis medicis passim obviis, cujus rei testimonia haud rariora prostant: præbuerunt hæc adiaphora haud levem occasionem de dexteritate & soliditate unius & alterius Theoriæ medicæ dubitandi: quandoquæ præceptum est argumentandi & concludendi libido, ut ex uno forte aut altero exemplo, universalis explicatio & conclusio formata fuerit: & huc facile & libere concurret inconsulta & inconsiderata Physices applicatio & translatio in Medicinam, quando forte aer in hoc vel illo aliquam alterationem post se traxit, si de hinc in singulis promutatione tali inducendâ idem allegatur. Habent præterea theoriæ quædam hanc fatalitatem, ut plures generaliores indifferentissimos includant, præcipue quando una generalior causa singulis effectibus explicandis non satisfacit, ut alias simul, sed nonnunquam æquè generalissimas causas in subsidium ducere, necessitas postulet, quæ quidem inter se invicem explicationem & confirmationem aliquam suppeditare & constituere deberent, sed ut plurimum in indifferentissimo subsistunt. Haud enim solers & accuratus scientiarum cultor, in nuda generali explicatione acquiescit, neque illâ expressione contentus esse solet, quando ad nudas possibilitates provocari solet, sed urget cæteroquin specialiores, imo specialissimam deductionem & applicationem, maxime verò nexum rationis cum effectibus & ipsâ experientiâ, unde contingit, ex generaliorum causarum applicatione ad specialiores & individuales effectus, hinc inde confusiones & perturbationes enasci, cujus offendiculi mater est indifferentissimus. Omnes hæc suppositæ possibilitates pertinent ad indifferentissimum: quam facile enim una materia uni noxia, tam facile alteri innoxia deprehendi potest; ut in verâ  
theo-



theoriâ, ubi positivè quid decerni debet, non sufficiat, talium rerum rationes obtrudere, sub generaliore applicatione, quæ secundum individua multas exceptiones, dubitationes, frustrationes & ambiguitates includunt: undè rectè *Hippocrates* in libro de *priscâ Medicinâ* monet: *eas cujusque rei causas existimare oportet, quæ quidem cum adsunt, hoc modo provenire necesse est, & quibus in aliud temperamentum commutatis, cessare. & paulò inferiùs; quod si universa hominum natura infestus esset, omnibus noceret. Quod certè (talem videlicet indifferentismum) minime facere convenit. - - Et qui hæc singula, quemadmodum se ad hominem habent, ignorat, is neque quæ ab iis proveniunt, cognoscet, neque iis rectè uti poterit.*

§. VIII.

Adiaphora Theoretica tam malæ itaque fidei esse declarantur, quod medicum usum insigniter frustrentur & destituant, undè vera eorundem cognitio esse debet in Theoria, ut hæc ab iisdem quavis prudentiâ liberetur. Pertinet verò desuper ad generalem indifferentismum generalis consideratio *motuum*, in œconomiâ animali obviiorum, quando sine solidâ discretionē ad singula individua transferuntur: ejusmodi generalis consideratio *motuum* est illa absoluta physica *motuum* progressio, quæ sine iusto ordine, directione & applicatione ad fines & effectus convenientes & necessarios, decurrit; uno nomine adiaphorum est *macrocosmum* ad *microcosmum* simpliciter comparare: cum omnis motus simpliciter physicus ad syncrism & diacrisin partium fortuitam, & accidentalem tendat, animales verò motus sub specificâ determinatione, compositione, structurâ & electione administrantur. Illi nude communicati-



va transeunte progressionē decurrunt de materia in materiam, *sine ordine, proportionato gradu, sine fine* & *scopo*; hi verò sub *certâ, conveniente, proportionatâ* (quæ *statica* appellari solet) exquisitâ, adæquatâ, tempestivâ, sufficiente, ordinatâ applicatione, ad partium habilitatem & finium per debitos effectus consecutionem, determinantur; in quibus quippe circumstantiis ingens differentia occurrit: quod si itaque hi motus ita simpliciter comparantur, magna confusio & inæqualitas prodit. Hoc ipsum ex primis corporis animalis rudimentis iam innotescit, quæ minimè ut frustum physicum & acervus materiarum fortuito talem figuram assumens, explicanda sunt, sed in quibus jam respectus æqualitatis inclarescit, quid dextrum, quidve sinistrum, quid primum, quid secundum & subalternum, quid anterius, quid verò posterius, quid superius, quid verò inferius, quid exterius, quid interius, quid curvum, quid rectum, quid crassum, quid tenue, quot, quomodo, quando, cur, ubi &c. tale quid esse debeat, & esse conveniat: hosce inquam respectus, quis commodè ad indifferentissimum motuum referre non poterit? quando simpliciter *physicis motibus* explicantur, illustrantur, & obtruduntur: longè enim alia in œconomiâ animali est motuum progressio, quæ certum semper & specificum finem, concoctionis, digestionis, præparationis, sangvificationis ita dictæ, nutritionis, depurationis, secretionis & excretionis includit, & hic finis in vitâ & sanitate est perpetuus, ad *essentia- lia* vitæ directè necessarius, non verò *fortuitus* aut *accidental*. In eo quidem illi motus conveniunt, quod in suâ essentiâ non sint distincti, sed quod differant secundum accidentia, secundum partes & materias, ordines, suc-



successus, gradus, prosecutiones, directiones, ut hoc quidem respectu motus accidens corporum appellari queat, ipsa verò actio, id est hujus motus applicatio ad effectus & fines, non accidentalis & fortuita vocari debeat.

§. IX.

In theoriâ Medicâ occurrit adhuc alius generalis indifferentismus quoad *materia considerationem*, & primo quidem in *universali habitu corporis*, deinde *Particulari constitutione partium*: quoad *primum*, grande illud est adiaphorum, corpus humanum i. e. corpus præter animam rationalem, cum vitâ præditum, & cum quo sensatio administratur, (displicet enim illa explicatio, quâ corpus, vivum & sentiens per se prædicatur) diversis aliis corporibus assimilare, & ita indifferenter secundum talem allegoriam corporis qualitates explicare; quando videlicet corpus vitale, planè diversis corporibus, quoad habitum & quoad accidentia discrepantibus comparatur, & ex tali assimilatione diversa prædicata & theoremata formantur: claudicant sanè non raro talia similia & comparationes, quæ toto cælo quandoque manifestè distant: certè egregiè & vere Baglivius de eiusmodi analogiis asserit: *argumentatio à simili, sicut facilior omnium est, ita si debite non instituitur, cæteris omnibus fallacioribus deducit conclusiones, nec aliundè medicorum in inquirendo impatientia tam aptè deducitur, quam à falsis similitudinibus, quibus illi tum in curandis morbis, tum judicando de iisdem tantopere indulgent; similitudo ut perfectè concludat, versari debet inter res sub eodem genere positas, ut inter plantas & plantas, mineralia & mineralia, viventia & viventia, & sic deinceps, ut ita possint singula unius rei attributa verificari de aliâ cui assimilatur, aliter*  
con-



*conclusio erit imperfecta, nec per sufficientem partium enumerationem; Elegans hic est locus, unde eundem hic allegare, dignum iudicavi. Quam indifferens enim est mixtionis animalis comparatio, cum mixtione, ferri, stanni, cupri, vitri, aut structuræ & texturæ corporis animalis, cum frusto metalli, terræ, glebæ? ad Rhetorica magis & metaphorica talia pertinent, neque quidquam illustrant, multo minus demonstrant: unde haud infrequenter subsumptiones & argumentationes in ejusmodi assimilationibus claudicant, quæ ita indifferenter habitum corporis animalis non attingunt (de essentiâ enim materiæ in physicâ nihil intelligimus, cum sensum humanum & captum fallat) multo minus ita indifferenter alterant, & commutant: sistit sese hujus assimilationis infirmitas tam in simplici ratione, quæ contraria componere, & comparare non erubescit, ut æqualitatem analogicam admittat, deinde ipsâ experientiâ, quæ manifestis indiciis hujus analogismi fragilitatem obsignat, ut ex ejusmodi indifferentismo colligi non debeat, sicut salinum aliquod principium sese ad ferrum, cuprû, aut aliud metallum habet, ita se ad corporis humani aut animalis mixtionem habere solet: id quod experientiæ insigniter contrariatur. Profluunt talia sophismata crudiora ex illo indifferentismo generalioris assimilationis.*

§. X.

Offert sese altera illa particularis partium analogia, quæ huic indifferentismo insigniter favet: instruitur hæc assimilatio quandoque secundum figuras pororum, in quâ quidem in recentioribus temporibus hinc inde aliqua moderatio & modestia adhibetur: invenit talis theoria insignem auctoritatem in *Hippocrate*, sed  
tam



tam accuratam & solidam, ut ad alias curiosas speculationes salvo sensu hippocratico trahi non queat: Extat locus notabilis *in lib. de priscâ Medicina*, in quo figurarum considerationem secundum *capacitatem, cavitatem & latitudinem*, deinde quod *arctationem angustiam & contractionem* respectu partium solidarum & fluidarum, optimè explicat: nullam hic certam & infallibilem pororum figuram, neque triangularem, neque quadrangularem determinat & indicat, sed talis ulterior figurarum denominatio ad adiaphora pertinet: tam inconstans enim in hoc negotio illa theoria est, ut certè partium figuras explicare non valeat, cum vero cum figuris negotium perfici debeat, tam indifferenter ad lubitum conceptibilem aliquam figuram designet, hinc moderatiores theoretici, obscurissimam & determinatu difficillimam eiusmodi analogiam prædicant, qua æquè minus constanter & fideliter inniti liceat, ac aliis indifferentissimis: adiaphorum est illud generale theorema, quod facilioris quidem speculationis est, sed obscurioris & difficilioris demonstrationis & applicationis, quando ex indifferenti fingendi lubidine, tales pororum figuræ declamantur, & proclamantur: indifferentissimus nihilominus ibi occurrit, licet differentiae pororum fingantur, cum si non exactè hæc theoria demonstrari queat, tamen quid pro quo circa specificam hanc configurationem proponatur.

§. XI.

Non placet ad specialiora progredi, sufficient hæc schemata produxisse: illud adhuc addendum est circa rationis negotium in Medicinâ: cum nexus rerum, genuinum & optimum indicium & documentum

D

veri-



veritatis & certitudinis existat, ita ejusdem defectus mancā, incertā, imperfectā & fictitiā reddit theoriam, rationes enim extra cohæſionem cum effectibus sunt Theoriæ scandalum, & rationes luculentā connexionem in experiētiā Medicā non obſignantes, sunt Medicæ artis impedimentum & grave offendiculum: quilibet interim certitudinem medicā affectat & anhelat, adeoque quilibet hunc nexum accuratè obſervare & prudenter formare debet, ſi non magis conjecturis & fruſtraneis opinionibus ſuperbire geſtiat: eſt verò in Medicinā tam rara avis eſt hæc connexio, ut paſſim theoriam aliam, alibi aliam praxin conſpicere, non arduum, laborioſum, aut difficile ſit; ne verò crudioris Empiriæ argui poſſit Medicina, hinc inde corraſæ generaliores rationes nonnunquam theoriam aliquam conſtituunt, ut multa quidem dicantur, ſed ex longè alieno capite confirmentur, & praxis longe aliter inſtruatur. Quoniam verò rationalis eſſe debet medicina, ita formantur quandoque rationes, vel nimis curioſæ, adeoque craſſiſſimos effectus proxime non ferientes, explicantes & connectentes, vel alienæ, quæ neque iisdem effectibus poſitive conveniunt, neque directè quidem contrariantur, vel penitus contrariæ, quæ àb ipſā veritate experiētiæ apparenter diſcrepant: ſingula verò talia profluunt ex illā indifferenti philoſophandi, fingendi, ſpeculandi, imaginandi libidine; ne penitus medicina rationibus caſſa & exuta ſit: proſecto non deſunt cordati medici quidam, qui ſimpliciter conſeſtantur, quod ejusmodi theoria non in commodum artis, ſed in ornamentum Philologiæ vergat, & quod ex ejusmodi rationibus minime experiētia juſte inſtrui & veri-



& verificari, neque praxis cum eiusmodi rationibus confirmari queat, hinc contingit, ut vulgo tantum satisfiat, quædam de salibus scorbuticis, de catarrhis falsis, de sale intra cutem & carnem morficante, de obstructionibus tenerrimorum vasculorum, de acrimoniâ sanguinis, aliorumque humorum, & de stimulatione, arrosione, & irritatione, de debilitate nervorum, de malignitate materiarum, & si odiosum & otiosum non esset, de multis aliis præfari & occinere.

§. XII.

Et hæc non gratis tantum allegavimus, sed certo scimus & audivimus, sub illâ sedulâ commentatione & commendatione, ne praxis confundatur, cum eiusmodi opinionibus, sed sedulo ex experimentis providis informetur & stabiliatur. Interim eiusmodi opinionibus & rationibus haud ita absolute veritatem suam denegamus, modo non indifferentismus in iisdem & cum iisdem committatur, alias multis erroribus proximam viam præmonstrant: non enim convenit tantum aliquid in aliquâ materiâ sentire, sed certitudinem & soliditatem veram inferre. Tam spatiosum verò est huius indifferentismi negotium, ut alibi in theoriâ una alteraque non nisi salium efficaciam, quod & quomodo corpus animale lædere queat, explicatam & applicatam deprehendamus, sub illo subalterno adhuc indifferentismo, ut in Cephalalgia, Hemicrania, arthritide, hæmoptysi, phthysi, hypochondriaco, hysterico malo, nephritide, podagra, colicâ hæmorrhoidali, certa, specifica, sed nescias, quæ certa & specifica salia accusentur, ita indifferenter verò, ut modo specificum certum sit, & pungat, morficet, mordeat, rodat, fre-



mat, vellicet: qualis indifferentissimus cum aliis opinionibus ac rationibus medicis passim committitur, quando sine respectu temperamenti, seu habitus, ætatis, regionis, morum, consuetudinis, & dispositionis hæreditariæ, eadem indifferenter applicantur, quas tamen distinguere, & cum iudicio applicare docuerunt veteres prudentes Medici, maximè verò Hippocrates, quem recentiores cum modestiâ & prudentiâ sequi accuratè & solerter student & allaborant.

§. XIII.

Meretur providam interpretationem illud Hippocratis pragmaticum quod in *lib. de vet. Med.* allegat, quando de salibus sermonem habet, quippe qui locus tanquam summum fundamentum Pathologiæ Salsæ hinc inde produci solet: dicit Hippocrates: *in homine inest & amarum & salsum, & dulce, & acidum, & acerbum, & insipidum, aliaque sexcenta*: (sed non æquè talia Salia sexcenta aut specifica; adsunt etiam insipida) *quæ pro copiâ & viribus* (NB. aurea hæc sunt verba *πλετοίας, δυναμίας ἔχοντα*) *varias habent qualitates* (sed non semper morbitas) *& hæc quidem mixtione & mutuâ contemperatione ὅτε φανερά ἐστὶν neque conspicua sunt; neque quemquam molestia afficiunt; at ubi horum quidquam secretum fuerit, & per se extiterit, (non ἢ aut, sed & &, tanquam sub copulâ, ubi secretum fuerit, & simul aut una per se extiterit) tunc & conspicuum fit, & hominem molestia afficit.* Primo ex hoc dicto evinci non potest, quasi Hippocrates dixerit, quod in singulis aut plurimis affectibus talia salia pro copiâ & viribus adsint, deinde quod non ubique, neque familiarius secreta & per se prostantia adsint, ut in omnibus subjectis & individuis conspicua sint, & hominem



nem molestiâ afficiant; tertio injungit, quod si horum quidquam secretum, & per se existens, tunc conspicuum fit, tunc etiam simul hominem molestiâ afficiat, non prius aut maturius, quam ubi fuerit secretum, neque hoc solum, sed ubi etiam, &, καὶ per se extiterit, tunc verò proximo inevitabili consecutario conspicuum fit, & denique quod ultimum est, & ad nostrum negotium facit, hominem molestiâ afficit: Hæc si applicentur ad illum indifferentissimum Pathologiæ Salsæ, ex auctoritate Hippocratis seriò ab auctoribus & patronis hujus Theoriæ declamatum, judicioso facilè sensum divi senis commendabunt, & an justè & convenienter pro ejusmodi adiaphoris allegentur, declarabunt. Illud adhuc addimus, quod latiori deductione circa hanc specialem materiam, quam exempli loco allegavimus, opus haud sit, cum generaliore nostræ explicationi satisfaciât, & lumen addat: reliqua verò in theoriis circa generaliores ejusmodi causas & adiaphora deducere & applicare, neque tempus, neque propositum fert; possent verò, si exactior occasio talia latius explicandi se se offerret, & permetteret, centum, imò mille ejusmodi indifferentissimi designari, quò supra iam tum provocavimus, an verò ejusmodi opiniones, ex quibus theoriæ nonnunquam formari solent, non ad indifferentia pertineant, quia ita indifferenter ex indifferenti auctoritate, ratione & applicatione formantur, vix dubium esse potest, quæ adiaphora in experienciâ non alium, nisi indifferentem effectum, minimè certum, dextrum & solidum finem obtinere possunt, & infallibiliter etiam solent.

#### XIV.

Pertinet præterea certo respectu illud adhuc ad adiaphora



phora medica circa theoriā & rationem , quando omnes generaliores causæ ubiquē & omnibus effectibus & affectibus applicantur : non tanta esse debet medicinæ servitus ut sese singulis rationibus adstringat, adeoque indifferenter cum iisdem progrediatur , sed ut rationibus convenienter uti sciat, applicando scilicet justas rationes suis causis, & semovendo illas rationes, quæ vel effectui, planē contrariantur, vel nudis tantum possibilitatibus favent, cum quibus positivè nihil demonstrari potest, sed quæ tantum frivolas præsumptiones, & opiniones præbent, quod galli *soupçonner* appellare solent, quando citra veram confirmationem , causa aliqua noxia aut mala præsumitur & reputatur. Insignis verò hic est indifferentismus & deterrimæ confusionis mater. Præstat enim dicere, quæ vera sunt, non æque quæ multa sunt, neque tanto apparatu causarum & rationum Theoriam onerare, sed illa dicere, quæ necessaria & utilia sunt, omnium maximè verò *docet philosophia facere, non dicere* secundum *Seneca* effatum, id est: non dicere cum inconditâ Philologiâ & rationum confusione, de hoc, illo, alio & sexcentis aliis in unâ materiâ differere : elegans locus ille est *Epicteti: ecce faber qui peritus artis est non obambulat clamitans, audite me differentem de re fabrilī: sed tacitus domum & tabernam conducit, instruit, & operibus se ostendit peritum. Tale tu fac &c.* ejusmodi verò peritiam minimè tam confusa coacervatio rationum efficit aut sustentat, confirmat & illustrat, sed eandem potius destruit, enervat, confundit & turbat; non enim convenit ut semper, ubique aut unice de naturâ, de aëre, æthere, materiâ, nisiuum tendentiâ, necessitate materiæ in Medicinâ philosophemur, sufficit si hæc dicamus, quæ maximè vera



ra sunt pro substratâ explicatione, reliqua enim philosophia noxius est indifferentismus & artem medicam graviter frustratur. Neque ita interpretari volumus, quasi rationem omnem & singulam rejiciamus, & nudam experientiam commendemus, minime, sed laudamus illam harmoniam, quando facta cum dictis congruunt; hæc verò convenientia neque sperari, neque expectari debet ex ejusmodi indifferentismo, & causarum indifferenti recitatione, generaliore applicatione & allegatione, cum illæ rationes præ omnibus reliquis valeant, quæ phænomena explicant & recto argumentandi & concludendi ordine demonstrant, quid factum, quod factum, undè factum & quomodo factum sit.

§. XV.

Præ omnibus adiaphoris pessima est illa species, quando in theoriâ rationes tam venales & liberæ exponentur, ut non æque ad utilem illum nexum rationis cum experientiâ respiciatur, sed ut tantum aliqua theoria formetur, ne planè destituta rationibus medicina offendatur: hic inquam est generalis indifferentismus & simul sentina errorum & sphalmatum artem medicam passim ingredientium; tam prava vero est hæc sentiendi licentia, ut posthabitis artis fundamentis passim fungus pro cerebro, opiniones pro solidis rationibus, phasmata pro scientiâ offerantur, obtrudantur, & defendantur: & indifferens est animus quandoque speculationibus luxurians, ut modo aliquid dixisse, & de re unâ aut alterâ ornatè & curiosè differuisse, dignum & sufficiens esse æstimet: si unquam ejusmodi indifferentismi malæ fidei symbolum gerunt, sunt certè in hac libertate secundum beneplacitum non de rebus quæ verè fiunt,  
sed



sed ex cerebro de illis quæ fieri queunt, & quando ita fierent, admirationem mereantur, theorias fingendi, & formandi; aut si iusta rationum cohæſio non emineat, illam excuſationem proferendi, poſſe ſufficere, ſi modo aliquid in theoriâ proferatur, multa adhuc in rerum naturâ eſſe abſtruſa & obſcura, non poſſe ſingula in naturalibus progreſſionibus designari, quaſi hinc contenti eſſe debeamus, de illis quæ vel frigide vel ſecundum proprium captum & opinionem, wie man ſichs am leichtteſten einbilden kan/dicta & propoſita ſunt, ſed nonnunquam bonus dormitat Homerus qui talia ita obſcura nuncupata ſimpliciter ad oculum non tam demonſtrare, ſed ſimul nexum & convenientiam cum effectibus & factis non tam formare, quam ſimpliciter etiam deſignare poterit. Malè interim conſulitur medicinæ, cum ejusmodi adiaphoris, quando non res dicitur & explicatur, ſed quid de re dici queat, divulgatur: quando non rationes factorum, ſed rationes rationis fingentis, imaginantis & ſpeculantis proferuntur; & ne deficiat Theoria, magnus apparatus & turma verborum & opinionum effunditur.

§. XVI.

Ne ultra filum propoſiti noſtri excurramus, cum aliqua hætenus de adiaphoris Medicis maximè generalioribus Theoriam medicam ſpectantibus dixerimus ſupereſt ut brevibus etiam *Officium Medici circa Indifferentiſmum Medicum* exhibeamus. Ex traditis hinc inde indifferentiſmi ſpeciminibus facilè colligere poterit prudens, quid de iisdem ſperandum & exſpectandum ſit, & quomodo medicus rationalis, rationabiliter circa ejusmodi fata theoriæ medicæ verſari debeat, occurrunt multa



multæ auctoritates, quæ passim pro horum adiaphororum patrociniò allegantur, & tantæ, quibus repugnare forte non licet (sed quid non licebit, veritas non auctoritatibus, sed rationibus vincitur) unde neque veterum neque recentiorum medicina ejusmodi indifferentis-  
 mis caret; hæc inquam auctoritates sunt primum offendiculum in medicinâ, quibus quavis prudentiâ uti convenit: maximum vero est commodum & salutare officium in Medicinâ, non omnibus indifferenter fidem addere, neque nudis auctoritatibus superbire; turpè enim est quem auctoritates vincunt, & turpius adhuc est auctoritate aliquos vincere velle: Rationes valent & antecellunt auctoritates, undè ad veritatem earundem primario respicere convenit: deindè evitandæ sunt quævis curiositates inutiles & minus necessariae, hæc enim ut plurimum turbant & confundunt reliquam sinceram explanationem: evitandæ etiam sunt illæ Philologiæ, loquacitates & confusiones, quid quod diffusiones in rationibus: nequè confert, singula & omnia in unam rem trahere, adeoque magis miscellaneam theoriam, quam veram & applicabilem producere. Omnium maxime ad iustam rerum conspersionem & convenientiam respicere, eandemque elicere, & prosequi interest; hæc si in aliquâ theoriâ deest, omnem laborem reliquum vastum vel curiosum illud fugitivum ornamentum aut rectius fixum detrimentum fide dignum haud reddit, sed multis justis illusionibus exponit. Unde præterea à multitudine rationum abstinendum, sed ad effectus & quid familiariter fieri solet ac contingit, ipso actu respiciendum, non verò, an rationes cum uno aut altero effectu congruant, sed an simplicem cohæsionem aper-



te exhibeant, non latè, non curiosè, non supersticiosè, non præjudiciosè hinc indè petitam & corrasam : abstinendum etiam est àb illà amphibolià & retorsione theoriarum, ne sub inconditâ explicatione eadem dicamus, quæ antiquas fabulas sapiunt, & ne sub multâ deniquè confusione & implicatione, nudis negationibus inhæreamus, aut frigidam illam explicationem & applicationem offeramus, non potest concipi, si tamen possit concipi & via ad verum non tam conceptum sed usum & applicationem simul demonstretur.

§. XVII.

Præterea magnum adminiculum ad veritatem est, ut iudicioso animo attendatur, quid fictitium occurrat in Medicinâ, quid vero reale existat, cum certè multa in adiaphororum serie fictitia & fabulosa occurrant, quippe quæ ex illâ frivolâ fingendi libidine ortum traxerunt: undè prudens theoreticus distinguere debet inter illa quæ ipsi rei essentialia sunt, & quæ sunt adventitia aut spuria & adscititia: hinc non temerè, nequè facile credendum, qui enim facile credit, facile decipitur: præstat ipsam experientiam perpetuo colligere, nequè tantum in rarissimis effectibus connexionem inquirere, sed in familiarissimis & ubiquè conspicuis, ipsi indoliæ genuinis, non turbatis, non corruptis, morbi circumstantiis, iustam convenientiam & applicationem intueri & instituere: habet enim Indifferentismus hoc peculiare phænomenon in altero etiam extremo, quod tantum aliquas & non omnes suas rationes, aliquibus & non singulis unius morbi & genii & typi effectibus & circumstantiis applicet, sed ibi acrimoniam, alibi materiæ necessitatem, nunc structuræ convenientiam, rursus naturæ energiam, denuo parti-

cu-



cularum malam proportionem, & ætheris influxum, in unâ eademque re accuset, adeoque meras confusiones, & multiplicationes entium præter necessitatem, proferat & inferat: hinc illud prudentis Medici officium circa ejusmodi rationes esse debet, ut dijudicet, unde, quibus rationibus, quâ methodo, & quâ ambiguitate ars medica confundatur; hæc enim inconstantia est indifferentissimi verum symbolum, & turpè est de Medicinâ dicere, quod inconstans sit, & ita frequenter titubet aut tergiversetur: hinc respiciat quisque certitudinem & veritatem, reliqua quæ extra talem scopum continentur, ad quisquillas pertinent & nugas. Interest etiam ut convenienter dignoscantur hypotheses in Medicinâ, an ad opiniones & phantasias hominum pertineant, an sint privatiores hypotheses, & ante experientiæ interpretationem & debitam confirmationem excogitatæ: an verò econtra non possint aliter, quin cum experientiâ perpetuò stent, progrediantur, & eveniant: unde etiam prudens Medicus abstinebit & evitabit illum indifferentissimum, ut non contentus subsistat circa illud, quod forte commode de unâ aut alterâ redici queat, sed quid dicere conveniat, deceat, & dici debeat: caveat sibi quisque ab illa turpi opinione: quia in Medicina multis locis certitudo deficit, ergo expedit tantum aliquid sentire & credere, licet non ubique cohæreat, neque ubique conveniat: imò excrementum omnis rationabilitatis & rationabilis argumentationis esse debet, multas diversas theorias, in unum magma reducere, adeoque in veritate inquirendâ tam indifferentem se se gerere & præstare. Neque etiam convenit vel theorias singulas tam indifferenter contemnere, ex crasso illo præiudicio, quia Me-

E 2

dicina



dicina conjecturalis reputatur; vel unam aut aliam temere & pertinaciter non admittere, quia forte recentiores de hâc ratione non garriunt, aut speculari vel unquam, vel rarius siveverunt: & turpè est in theoriis rationes oculis & animo demonstrabiles, vel pertinaciter non admittere, vel temere negare, propter gratuitam novitatis accusationem, quasi novum quid sapiat; manet interim in hisce ausibus perpetuus ille indifferentissimus, quod sine solidâ necessitate & ratione firmâ negationes instruantur, & sine iusta discretione & applicatione indifferenter exponantur.

§. XVIII.

In theoriis tam veterum quam recentiorum providus sit & prudens Medicus theoreticus, ne in indifferentissimum præceptis ruat, tam multa enim passim adiaphora occurrunt, ut in indifferenti theoriæ assumptione talia adiaphora una irrepant. Quod enim Hippocratis theoriam medicam attinet, attentum omnino, & âb omni superfluâ commendatione & interpretatione liberum animum postulat ejusdem labor & studium: haud enim præstat & interest tantum Hippocratem citare, sed rectè & convenienter ejusdem sensum interpretari, & imitari: passim enim tot indifferentes explicationes hippocraticæ obtingunt, ex illâ per insignem abusum insolitâ provocatione ad auctoritatem Hippocratis aliorumque veterum medicorum, ut quælibet theoria patrocinium suum in antiquitate medicâ inquirat, & ut sperat, & contendit, invenit, offert, obtrudit: unum verò ex omnibus verum esse debet, reliquorum multa ad adiaphora pertinent, undè omnium theoriarum tam exquisitè & accurate indifferenter haud esse



se potest patronus & oraculum Hippocrates. Imò tam indifferens est hinc indè illa ætiologia Hippocratis, ut crimen esse nonnunquam reputetur, ab ejusdem theoriâ generaliore declinare: undè quidem ad generaliores ejusdem & Philosophicas rationes jurare tam indifferenter non licet, sed præstat ejusdem theoriam Medicam probè attendere & reservare, ut certi inde fiamus in eo quid fiat, quid fieri debeat, cur fiat, & ita fieri intersit, quæ longè majorem & notabiliorem usum monstrabunt, quam reliquorum elementorum Hippocraticorum explicationes. Recentiorum theoriis ita *indifferenter* se se concedere, inconsultum omnino est & periculosum: mens hominis quidem semper nova appetit; sunt verò nonnunquam novitates tam mali censûs & usûs, ut præstitisset antiqua rectè didicisse, intellexisse & applicasse: hinc non licebit, in certitudine & veritate inquirendâ, speciem, novitatem, curiositatem & jucunditatem alicujus theoriæ considerare, sed sub iusta discretione inquirere, an effectib9, experientia, & eventib9 rationes respondeant, cohæreant, & conveniant, non una aut altera vice, sed tam perpetuo gressu, & vinculo, ut ubique applicationem suam proximam, veram, distinctam & realem, non fictitiam & imaginariam, aut gratuitam theoria inveniat, habeat, & obfignet. Et hæc præter illa quæ jam latius supra hinc indè produximus, *officium* Medici circa *adiaphora* theoretica explicant & commendant.

§. XIX.

Alterum est ut etiam adiaphora in experientiâ & praxi medicâ, quantum fieri poterit, breviter enodemus: & primo omnium quidem de adiaphoris, quoad



historiam Medicam dicere conveniet. Dignum profecto est ut historia medica in medicinâ primum doceatur & discatur, ut verè innotescat, quid in medicinâ occurrat, cui rationem & medelam addere & applicare conveniat; quod si enim in illâ circumstantiâ historicâ *quid fiat*, certitudo & veritas deficit, tunc & theoria & praxis medica miserrima omnium artium & disciplinarum existit, exinde enim cohortes inutilium indifferentismorum, centuriæ irritarum opinionum & chimærarum prognoscuntur; ut tædeat, imò pudeat, tantis phantasiis superbire: undè principalissimè considerandum est quid fiat in medicinâ circa vitam & sanitatem, & pro utriusque conservatione, præservatione & restitutione sanitatis; quid fiat secundum & præter naturam, & ordinem naturalem: Inde historia medica conficitur, quæ in multis locis grandia adiaphora includit & possidet, talia inquam adiaphora, quæ ad communem historicam notitiam non pertinent, aut indifferenter excogitata sunt, sive convenient simplicitati historicæ, sive non, modo aliqua historia formetur: undè mirum esse non debet torcorruptas historias passim florere, & variis indifferentismis practicis patrocinari; quid novi, corrupti, inauditi morbi aliud sunt, nisi certo respectu & certo numero specimina indifferentismi in experienciâ Medica; *novi* morbi, quando anomalicis progressionibus decurrunt, quibus dehinc ex theoriâ variæ causæ, & ex historiâ variæ effectus & phænomena adscribuntur magis quam expectantur & experiuntur, inde illæ querelæ, der Hr. D. hat so viel ausgefraget / und keines getroffen / imò illæ objurgationes: er muß besser ratheo lernen: quando scilicet multi effectus finguntur, qui tamen in  
histo-



historiâ verâ non congruunt ; talis est indifferentismus circa novos morbos, quos communiter ita appellare asolet medicina, illa quæ ad veritatem historicam non respicit, sed indifferenter hunc aut alium effectum increpat, exspectat, & qui si exspectationi non respondet, pleno ore per crassum indifferentismum novus morbus nuncupatur & accusatur : *corrupti* morbi habent præ reliquis singulis ratione historiæ illud peculiare, ut indifferenter explicentur, five sit scorbutus, five acrimonia sanguinis, five obstructio, five polypus cordis, seu inviscatio nervorum, wenn es nur einen Namen befömmt / da-  
bey man es nennen kan / perinde æstimatur ; Quod si denique ratione circumstantiarum & apparatusum plures, sed in generaliore intentione, executione & fine conspirantes morbi conveniunt, qui ad unam historiam referri non possunt, neque alias fictitias circumstantias facile admittunt, & in communia summa genera morborum referri nequeunt, indifferenti animo *inauditi* quandoque appellari solent: ut habeat medicina excusationem, cur historicâ suâ notitiâ deficiat, circa præsentem affectum : hanc historiam morborum accurate explicat Baglivius, dum dicit: *Historia morborum tota quanta est, pendet à sedula & patienti descriptione eorum quæ doctus observator de morborum invasione, progressu & exitu adnotaverit, & eadem quæ adnotavit simplicitate (non curiositate) char-  
tis exposuerit, nihil addendo de suis, nihil de librorum, aliarumque scientiarum præscriptis, sed uti paulo supra inculcat, ex saluberrimis duntaxat & purissimis naturæ fontibus.* Vigent itaque circa historiam, medicam innumeri indifferentismi, qui veram & genuinam facti speciem confundunt, & ipsi experientiæ reliquæ medicæ damnum  
& offen-



& offensionem conciliant. Maximi indifferentismi quoad historiam medicam occurrunt in hæmorrhagiarū & Februm negotio & speciebus, qui effectus si modo in individuīs intueantur, & diversæ explicationes de iisdē attendantur, facile apparebit, quomodo nonnunquam theoriæ indifferenter, acrimoniam & vellicationem, adeoque effectus ex acrimonia & vellicatione orientes diversimode recitet, ipsam vero historiam affectūs, ratione ortūs, frequentię, successūs exitus & eventus multis modis confundat, indifferenter explicet, applicet & exhibeat. Neque interest multum de hac materia eloqui, dum quotidianus usus asserti nostri veritatem & constantiam obsignabit.

§. XX.

Insignis etiam indifferentismus frequenter in praxi medica occurrit, quoad ipsam *methodum medendi*. Est certè iusta & prudens methodus, clavis ad arcana medica, ut merito omnes periti & prudentes practici ad methodum praxeos medicæ solliciti & accuratè provocent, eandemque urgeant. Quæ verò medicina veram methodum possideat, ardua est quæstio, & non nihil odiosa, quam decidendam haud assumimus, cum pressius explicationem nostram non attingat: illud verò à nobis non reticendum est, quod multa adiaphora in medicina obtingant, circa methodicam artis tractationem. Quot capita, tot sensus, quot theoriæ, tot methodi, non rarò verò etiam plane nullæ servantur: Indifferens theoria infert indifferentem methodum, nī praxis plane à theoria se-juncta sit. Cordatior quidem medicina, quando theoriæ nexū cum praxi obtinere & invenire non valet, attendit sedulò *genium* morbi & ad eundem ipsam methodum instruit, unde illæ practicæ cautelæ audiuntur: Diese oder



jene Krankheit / leide nicht / daß man Sie so oder anders angreiffe / diese Krankheit wolle also tractiret seyn. Et ita magis per empiriam edocta, discit, svadet & commendat methodum morbo convenientem. Ex indifferentismis verò Historiæ morbi, plurima adiaphora in methodo occurrunt, ut vel primo *generalia & universalia* præmittantur, nescias quandoquæ, an etiam talia præmittere præstet, sub indifferenti consilio & tentamine: wir wollen ein gelindes laxans, oder vomitiv verschreiben. Wann irgendetwas in dem Magen oder Gedärmen lieget / si forte! es kan nicht schaden / wann wir etwas vor den Magen oder vor das Herz zu stärken verschreiben: sit ita pingatur Rec: confect: alkermes, aut elix. Pr. Par. Es solt nicht undienlich seyn / wann wir es mit einer Blutreinigung anfangen. Was meint der Herr Patient, wie ihm ein Kräutertranklein anstünde? Resp. dß muß der Herr Doctor wissen ob es mir nützlich oder dienlich sey! wohlgeredt / fiat, Msc. detur, signetur herbststärkender und ablösender Kräutertrank. Et quis porro recitabit ejusmodi indifferentismos, circa initium methodi practicæ. Datur alia medicina, quæ ita indifferenter cum Venæsectionibus, alia cum vomitoriis, rursus alia cum purgantibus methodum medendi sub magno indifferentismo inchoat, quandoque sine respectu ætatis, naturæ, temporis, morum, consvetudinum, sensibilitatis, & verigenii morbi, quostamen i respectu *Hippocrates* notanter urget passim in Scriptis suis. Tantum etiam alibi occurrit indifferentismus; ut primò purgare, deindè sangvinem educere, & tertio clysterium dare, in uno morbo & successu indifferenter pro prodromo methodi venditetur



vindicetur, & sedulo exerceatur, wann eines nicht hilft / so hilft vielleicht das andere / wir wollens probiren. Nequē deest medicina, quæ planē nullam methodum attendit, & pro adfurdā re declarat, quando Medicus se legibus tam exquisitē & sollicitē adstringere vult: probandum & tentandum esse asseverat. Wir wollen dieses probiren / wir wollen jenes probiren; dieses remedium hat sonst unter meinem Gebrauch kräftig den Schweiß getrieben / und doch darbey die Nerven gestet / wir wollens jeso auch versuchen. Modo laudantur Panaceæ & polychresta, alibi arcana, rursus specifica, cum quibus nonnunquam ita indifferenter praxis exercetur, plurimum sine effectū & eventu salutari. Alius exclamat rursus, eines wollen wir versuchen. Ich habe ein bewehrtes mittel aus unser familie, welches meine Frau Großmutter an vielen sehr nützlich befunden / recitantur etiam laudes magnis cathalogis: & quæ passim circa ejusmodi α' μεθοδι' α' occur- runt, & indifferentissimum practicum notanter explicant & testificant.

§. XXIX.

Non occultandum est illud, quod Celsus in lib. 3. c. 1. de Medicina providē edocet: illud ignorari non oportet, quod non omnibus agris, eadem auxilia convenient, & quod alibi dicit, non eadem omnibus & in similibus casibus opitulantur. Pertinent hæc dogmata ad nostram explicationem, ubi etiam adiaphora circa remediorum exhibitionem explicare placet. Conspicuum est indifferentissimus practicus v. g. remedia antipestilentialia, antifebrilia, alexiteria, vel in omni febre, vel in omni subjecto exhibere, inde fit, ut ejusmodi ambiguus effectus non raro ex indifferenti tali usu elician-



eliciantur & eveniant: Occurrunt huius æquivocationis querimoniam passim; Ich wundere mich/dieses remedium hat mich sonst nicht stecken lassen/ und hier will es doch nicht anschlagen: Ich hab sonst gar viel auf dieses remedium gebauet; dieses remedium ist von diesem oder jenem autore zu diesem affect sehr gelobt. Sed conciliandum etiam est, quod citatus Celsus in eodem loco dicat: oportet inquit itaque, ubi aliquid non respondit, non tanti putare authorem, quanti egrum. Par effectus obtingit ex indifferenti usu *adstringentium* in hæmorrhagiis, *antepilepticorum*, *antispasmodicorum* &c. ut non raro sinistros effectus conspiciere liceat; ubi, quidem sub specialiore illo fine adstringendæ hæmorrhagiæ, adstringens adhibitum fuit, sed sub indifferenti generaliorè consideratione modo adstringatur, sine respectu morbi, motus, habitus, impetus, ordinis, usus, consuetudinis, sensibilitatis &c. in hisce enim tanquam specialioribus rationibus ille indifferentissimus noxius concentratur & inclarescit; Neque omittendum præterea est, cum communis materiæ medicæ commendatio multis frustrationibus & delusionibus scateat, quando unum aut alterum remedium præ aliis efficaciam suam constantius exferit, quod si de hinc illud remedium omnibus subjectis, & omnitempore in eodem etiam casu & affectu exhibeatur, evenit nonnunquam diversos effectus enasci, nequè illam suam constantiam ubique in omni usu, individuo, & tempore comprobare; undè huius remedii virtus in dubium vocatur, certè non aliundè, nisi à billo crasso & abominabili indifferentismo, quippe qui multis ejusmodi erroribus committendis inservit, cum laudabile etiam remedium, si in justo tempore,



convenienti ordine, certo subjecto & aliis necessariis circumstantiis exhibitum fuisset, non alium, nisi laudabilem & salutarem effectum edidisset: v. g. Laudantur communiter quædam radices acriores, calidæ ita dictæ, aromaticæ, subtiles, in febribus, tanquam egregium remedium diaphoreticum, expellens venenum, uti pulvis ex septuaginta radicibus: harum radicum licet quædam ita absolutè contemni non queant, si verò ita indifferenter exhibeantur, alibi sudorem largissimè pellunt & eliciunt, alibi verò anxietatibus, inquietudinibus, agrypniis & apyxiis cum externâ siccitate, internâ verò angustia inserviunt, cujus rei experientia innumera testimonia subministrat. Fuit hic indifferentissimus, qui ex crassa empiriâ emanavit, causa tantarum frustrationum & incertitudinum in re & *materia medicâ*, cum remedia, si suis causis, temporibus, subjectis, ritè & peritè reservata fuissent, insigne commodum, & utilitatem perpetuam promississent & exhibuissent: hæ verò diffusiones & indifferentes applicationes, non aliam nisi mancam, sterilem, imperfectam, dubiam, fallacem, & inutilem multis modis materiam medicam reddiderunt. Huic indifferentissimo subindè efficaciter inservit illa multitudo & farrago remediorum & illa frivola spes, wenn etns nicht hilft / seynd noch mehr vorhanden / quasi unum ex hisce certò auxilium ferre debeat: imò gloriatur nonnunquam Medicina, quod tam latissimum campum experimentationis tentaminum & conaminum habeat & possideat; gestit quandoque ipsamet ex tali armamentario modo hoc, modo illud depromere, & quia cum talibus laudibus, publicis fortè testimoniis ornatum prostat, ita sine ulteriore consideratione  
ad



ad affectum præsentem prompto animo, & paratissimo ausu exhibere, & non alium nisi encomiis suis convenientem & correspondentem effectum expectare; sed certè sub omni hac bonâ spe & intentione in tali indifferentismo, ut plurimum manifestæ occurrunt delusiones; dehinc oriuntur illæ dubitationes, & unus talis indifferentismus, quasi sentina errorum mille adiaphora parturit, offert, & disseminat.

§. XXII.

Adiaphorum practicum præterea est sine consideratione individualis genii morbi ad *scriptam literam* & communem practicam commendationem res suas in arte medicâ & ipsâ operatione instituere & gerere. Ast minimè equidem conatus Medicinæ practicæ atro carbone depingere consultum ducimus, sed laudamus meritò tanta studia, & operas bonis avibus nonnunquam ceptas & cum fructu perductas, interim aureum illud manet monitum, quo quasi pro perpetuo Epilogo & non omit-tendâ commentatione, verum Judicium practicum commendatur & iniungitur, sub illa fideli Emphasi, quasi ejusmodi monita practica si sine judicio discernente, ita indifferenter & inconsideratè ad effectum deducuntur, irrita, insalubria, & infructuosa futura essent, ut non proficiat tantum hanc illam aut aliam methodum insequi & imitari, sed justè ipsum individualem statum morborum considerare, & secundum hanc rationabilem di-judicationem consilia & auxilia ferre. Ut rem exemplo illustremus, certè unicè ex experientiæ fontibus profluit, quod infantes diversimodè variolis laborent aut morbillis, alii mitius, temperatius, remissius & tranquillius, alii etiam gravius, acerbius, vehementius, sub



inigni anxietate, ardore & inquietudine; & quod denique adultiores communiter ægrius se se habeant, in variolis, & morbillis; talem statum ita indifferenter ab illâ materiæ malignæ copiâ aut pravitate arcessere haud licet, quod si enim in quibusdam, aut adultioribus major malignitas adesset, certè etiam major corruptio invalescere deberet, quæ verò nonnumquam vel planè non, vel etiam parcius inoleiscit, talis, inquam, communiter vocata corruptio, quam sub nomine actuum & effectuum in iisdem morbis inferre placet, in tenellulo verò corpusculo & ægrotante sub mitiori statu, exanthemata talia placidius, largius, & facilius erumpunt, & hanc ita appellatam corruptionem offerunt: unde talem differentiam ita *indifferenter absolute* materiæ adsignare haud vacat: huic enim inclamatae corruptioni si per consequens efficaciora & penetrabiliora Bezoardica, alexipharmaca, diaphoretica remedia adhibentur, præcipuè acria, non alius ut plurimum effectus inde procuratur, quam major anxietas, inquietudo, ardor, angustia, & nulla conveniens & legitima expulsio, sed titubans & hinc inde, modo ad externa, modo ad interna, variorum commotio, & turbatio, ut sub ambiguo tali statu communiter patientes pereant & succumbant: præstat itaque ad individualement habitum morbi prudenter respicere, neque indifferenter sed cum discretionem iudiciôsâ morbum tractare: Ita illis etiam innotescit, qui temperamentorum prudentem cognitionem habent, quod cholericis temperamenti subjecta ardentius & vehementius febribus decumbant, quam sanguinei temperamenti, non præjudicante materiâ, quasi in choleris humores subtiliores essent, aut cum multo Sulphure



re remixti, cum sanguineorum humores, ratione nobilitatis suæ quoad essentiam haud inferioris ordinis & æstimationis sint, sed tantum quoad fluxilitatem deficient, quæfluxilitas verò per motum febrilem facile conciliatur, ut adeò in materiæ differentiâ fundamentum ita absolute positum non sit. Hinc præstat secundum individuum habitum & motus praxin instruere, neque sub crasso indifferentismo singula subjecta universali consilio & curâ tractare; haud enim eadem omnibus profunt, licet magnos titulos contra febres, contra malignitatem, contra miasmata contagiosa, & apospasmata, contra acrimoniam &c. gerant & communiter servant.

§. XXII.

Magno pariter numero ad adiaphora pertinet commendatio methodi & remediorum universaliorum, sub quibus, multis certè locis & occasionibus, tam malus indifferentismus quandoque committitur, ut in omni febre, & omni subjecto vel anoterica, vel catoterica purgatio, alibi etiam sanguinis eductio præmittatur, & huic methodo tam firmiter & acriter insistatur, ut nihil rectum esse aut fieri æstimetur, nisi hæc talia universalia consilia commissa & præmissa fuerint. Non tantum hæc dicimus, sed per quotidianum usum & experientiam confirmamus, ut illam modo attendendam esse, sincere suadeamus, quando hujus asserti nostri veritas in dubium vocari vult. Minimè interim nobis decidendam, neque eliminandam sumimus Empiriam crassam admodum & inconsideratam, sed illam modo praxeos indifferentem, exercitationem attingemus, quæ rationabili methodo inniti contendit, attamen autoritatibus capta, hoc adiaphorum



phorum committit. Neque jam de eo loquimur, an V. S. in febribus conveniat, sed damnamus illud generale refugium ad talem sanguinis educationem, nescias sub quibus sterilibus conceptibus orgasmi febrilis per eandem temperandi & infringendi, aut malignitatem & materiam peccantem ubique imminuendi, aut qualitercunque declamatam noxiam plethoram deplendi, ut quidem non inauditum sit sub tali V. S. indifferenter adhibita, indifferenter patientem & ambiguè è morbo evade-  
te, cui de hinc neque benè neque malè est, ut adeo sincerè contestetur, daß er nicht recht gesund / auch nicht recht frank wäre / könnte sich aber doch nicht erholen / hätte so schwäre Glieder / und empfinde eine beständige Schwachheit: es liege ihm so sehr im Kopff müsse wieder anfangen gehen zu lernen / wie ein kleines Kind. Talis est indifferens evasio è morbo & indifferens & consequens morbi & ejusmodi & non aliam consecutionem habent illi indifferentes purgantium & vomitoriorum usus in praxi medicâ; facile quidem est vomitoria & purgantia præscribere & commendare, sed providentiam & prudentiam meretur consideratio, quando, ubi, quomodo, & quare eadem conveniant, siquidem non omnis morbus cruda ejusmodi evacuationem tolerat, neque in *omni morbo* crassa ejusmodi recrementa pertimescenda sunt, talia inquam quæ vel morbum causare, fovere, vel exagitare debeant: de quibus generalioribus auxiliis illud meritò valet, quod *Celsus* eloquutus est: *eadem, inquit medicamenta sæpè salutaria, sæpè vana sunt*, & cum quibus remediis in indifferentismo tali denique eo prolabi datur, quos ratio non restituit, temeritas adjuvat, rarissime  
verò



verò restitutionem adjuvat *θεασύτης, ατεχνήν σημαίνεν*  
 ex quâ ignorantia, imperitiâ *κακὸς θισαυρὸς ἢ κακὸν κρι-*  
*μήλιον τοῖσιν ἔχουσιν αὐτὴν* profluit, secundum *Hippocratis*  
 aureum monitum. Eo etiam pertinet indifferens com-  
 mendatio remediorum Bezoardicorum, diaphoretico-  
 rum, alexipharmacorum, alexiteriorum, antipestilen-  
 tialium, nervinorum, analepticorum, confortanti-  
 um, Balsamicorum, &c. Tam ingens enim abusus &  
 indifferentismus viget in medicina, ut, quibus fortè ven-  
 ter dolet, & quos artuum gravitas angit, illis remedia dia-  
 phoretica, sacris veluti commentationibus iniungan-  
 tur: *Er muß was zū schwitzen einnehmen* / quasi intra  
 cutem & carnem eiusmodi Miasmata aut spicula irreti-  
 ta delitescerent, quæ Bezoardicâ expulsiōe indigerent,  
 aut quasi in reliquâ massâ sanguineâ talia apospasmata  
 confluant, quæ per crassam exsudationem ejici debe-  
 ant: Non quidem denegamus aut reiicimus præsentiam  
 nonnunquam heterogenearum substantiarum in massâ  
 sanguinea, Sed illud adiaphorum contemnimus, quando  
 sine reliquâ ratione primum statim refugium ad corrup-  
 tam talem crasin formatur, ut dehinc ex indifferenti  
 ejusmodi opinione indifferens auxilium obtrudatur, hu-  
 ic affectûs speciei neque conveniens, nequè medelam  
 afferens; ita abominabilis perinde indifferentismus oc-  
 currit in generali analepticorum applicatione, ad ge-  
 neralem & universaliorem methodum pertinente: pro-  
 fluit hoc adiaphorum ex illâ malâ discretionē *anxietatis*  
*moralis* per certam *astimationem* de statu præsentē for-  
 mata, & *physica* ex *materiarum* vitio & perversione ena-  
 tæ: ubi frequentissimè, quando fortè anxii conspiciuntur  
 ægri, maximè in affectibus acutis & malignis, plurimum



*moraliter* tales, primum solatium in analepticiis quæritur: der patient muß eine Herzkraftung bekommen/ unde analeptica, Balsamica, calida nonnunquam magno numero offeruntur, ex quorum usu ut plurimum ægrius & molestius sese patientes habent, magisque anxii, inquieti, & viribus destituti, quod vernacula hinfällig appellat, deprehenduntur. Placet hujus rei adhuc unicum totum practicum monitum pro confirmatione Theseos nostræ allegare: Podagrici qui partim per æratem, partim etiam per vigorem cum hypochondriacis pathematibus colludunt, experiuntur hinc inde insignes palpitatio- nes cordis, de quibus non deest notitia, quod nonnunquam à debilitate cordis aut nervi cardiaci deducantur, quam remediis cardiacis, analepticiis, volatilibus corrigere velle non latet; quo magis verò talia analeptica offeruntur & adhibentur, eo magis insolescit illa palpitatio, non tam cum molestia summâ continuans, sed cum periculo frequentius reiterans, ut patientes denique ipsi ejusmodi confortantia remedia averseantur & exhorrescant. Possent huius indifferentissimi adhuc plura documenta practica allegari, si non diffusior thematis nostri excursio nostro proposito resisteret: unde quidem jam de adiaphoro circa universaliora remedia supra egimus, id quod vero in hac Thesi in experientia magis commendare dignum judicavimus.

§. XXIV.

Cum temeritatem & audaciam in praxi medicâ ad adiaphora itidem retulerimus, quas communiter secundum tritum dicterium fortuna adjuvare debet, ita ejusmodi audaciæ adhuc aliquot specimina in medium proferre placet: Habemus in Medicina pragmaticos quosdam



dam canones, quos insequi in rationali Medicinâ nequè dignum semper, nequè consultum est: ita vulgò dicitur *contraria contrariis curantur: ambiguos morbos præstat ambiguus remediis curare: præstat anceps experiri auxilium, quam nullum: quamdiu ager adhuc respirat, experimentandum est: qualia monita non solum crassis adiaphoris committendis & inferendis facile inserviunt: sed an iisdem in praxi Medicâ frequenter passim auscultetur, certè non dubitandum, sed tantum attendendum & observandum. Ita hinc indè maximè indifferenter fluxus tam sanguinis quam feri per contraria, id est obstipantia, adstringentia, occludentia curantur, testimonio hæmorrhagiarum, & ex hisce specialissimè hæmorrhoidum; factæ verò adstrictiones, quando periculum portendunt & proximè inferunt, aperitivis ita dictis, volatilibus, impellentibus, commoventibus, variisque vias & humores exagitantibus indifferenter nonnunquam tractantur multis locis & occasionibus; hinc vacat ad illud *methodicorum* pragmaticum provocare, *quod strictum, sit relaxandum, & laxum stringendum*. Calor per frigus, & frigus per æstum passim curatur; motus, qui nonnunquam male dijudicantur, quasi deficient, stimulantur & exacerbantur, & qui pro morbidis perperam declamantur, coercentur, consopiantur & supprimuntur, & ita contraria contrariis variè quandoquè curantur. Quis vero hujus indifferentissimi & curæ sit effectus & eventus, non argutari decet, sed tantum aspicere & experientiam accuratè advertere, & conciliare. Non designabimus specialissimo eventus, sed tantum dicimus quod ex ejusmodi adiaphoris plaustro errorum practitorum exoriantur & desultent. Neque illa ambigua remedia unquam verè*



atque rationabiliter ambiguum morbum curabunt, sed ambiguos tales effectus fortientur, quibus ars medica rationalis inhærere, indulgere & innitti nunquam potest: pertinent rectius & verius ejusmodi consilia ad temeritatem illam & indifferentem medicinæ exercitationem, undè non incognitæ illæ crudiores indifferentissimi excusationes circa experimentationes, quando communiter dicitur: *hilffts nicht so schadets nicht*/ cum non sufficiat non nocere, sed juvare præstet, pro illo enim scopo obtinendo & eliciendo ars medica inventa & exulta est; præstat deindè rectius nihil adhibere & non ita temerè tentare & experimentari, illud enim nihil adhibuisse æquè nequè nocet, quandoque neque iuvat: Interim nonnunquam eventus contrarium edocet, quod illud, de quo quasi sub certâ dexteritate, sinceritate & sponsione prædicatum fuerat, quod si non juvet, attamen non noceat, quod illud inquam nihilominus noceat & tantum reliquum morbi decursum ita invertat & implicet, ut si non confestim & extempore nocumentum suum obsignet, tamen reliquis successibus & ordinibus præjudiciurn, impedimentum & periculum inferat. Undè nequè ratio sana & ars vera medica suadet, injungit aut promittit, illud adiaphorum comittere, quod anceps remedium magis præstet quam nullum, in quo ambiguo remedio neque ratio, neque experientia vera valet, sed utraque deficit, & tantum fortuitus quidam effectus & eventus crude expectatur: absit illa audacia *Θεασύτης* à medicinâ rationali; Empiria crassior eandem jubet, imperat & defendit: præstat nihil potius usurpare, & scientiam & conscientiam suam servare, quam ita crudius Sorti tantum & fati indulgere; vulgares enim sunt illæ elocutiones



mes: geraths wol/ so iſts gut/ geraths nicht/ ſo hätte man doch ſo viel darbey gethan als man gefunden/und die dogmata practica befohlen. Quorſum etiam pertinent illæ indifferentes tentationes, ſub ſpe, *forte* iuvat.

§. XXV.

Supereſſent quidem adhuc multa pro thematiſ huius latiore illuſtratione âb experienciâ petenda, cum verò partim fundamentalia expoſuerimus, partim ultra propoſitum noſtrum ſcopum progreſſi ſimus, lubet paucis adhuc *officium* Medici circa *adiaphora* practica pro conſuſione tractationis noſtræ addere. Varia nunc practica *adiaphora* expoſuimus, & quantum fieri potuit, eorundem origines & prima capita explicavimus; interim non defuit ratio & occasio paſſim aliquod monitum circa officium Medici in indifferentiſmo Medico & circa eundem proferre; unde brevi quaſi recapitulatione in ordine quædam repetenda ſunt: In *adiaphoris* hiftoriam Medicam concernentibus ſollicitus ante omnia ſit Medicus, ut fidem hiftoricam obtineat, id eſt, ut certus ſit huius rei, quæ fieri aut facta dicitur & offertur, ut cautus etiam ſit, ne quamlibet oblatam obſervationem pro hiftoriâ practicâ aſſumat, multa enim obſervantur ſine ordine, ſine nexu, ſine comparatione, ſine ſucceſſu & ſine exitu; quæ circumſtantiæ, ſi non ad *hiftoriam practicam* referantur, multis modis reliquam hiftoricam relationem confundunt, & malè fidam reddunt; unde præſtat ſcire, *quid fiat, quoties fiat, quando fiat &c.* quid ipſo actu & effectu contingat, quid eveniat *ſponte, ſimpliciter, per ſe*, ſine artis concurſu, ex ipſâ *Indole, eſſentiâ & genio* morbi, aut qualem ſe morbus gerat & offerat; *quoties fiat*; an ex vera, genuinâ & ſimplici morbi conditione & indole tale



quid fiat, an semper in tali morbo simplici fiat, adeoque testificet, quod nullus talis morbus sine talibus circumstantiis, apparatibus, successibus, effectibus & eventibus fieri queat, & fieri soleat, si simplex est; & *quando* denique fiat; ut sciat, methodum, ordinem, modum, Typum, Tempus morbi; adeoque certus sit, in omnibus hisce maximè necessariis circumstantiis: multa enim occurrunt in historiâ practica quæ ficta quandoque, & tantum per frivolam illustrandi speciem & larvam excogitata sunt, quæ dehinc minimè illustrant, sed obscurant. Si medicus veram & simplicem historiam è rationabili, & attenta experienciâ petendam, scit, quippe quæ non ex ideis theoreticis formata, sed quæ ex ipso facto prodiit, & enata est, tunc facile vel complicatos, vel corruptos, vel fictos morbos cognoscere poterit, & quomodo arte medicâ eosdem tractare, regere, & se in iisdem gerere, moderari & offerre debeat. Quod si enim ullus talis indifferentissimus, de quibus egimus in historiâ medicâ practicâ occurrit, ipsa etiam ars medica delinquit, iners & fallax evadit: hinc convenit experientiam conciliare, & illam veram, exquisitam, & à superflua speculari voluptate alienam, nequè recitatiunculis & relationibus historicis, quid quod nonnunquam observationibus Medicis temerè, præcipitanter & inconsideratè fidem & applausum addere. Deinde cum in *metodo medendi* varia adiaphora occurrant, *Medici officium* esse debet, veram methodum non ex fingente cerebro formare, sed ex ipsâ Indole morbi, quales secretiones & excretiones morbus affectet, inferat, offerat, habeat, aut habere velit & toleret, quibus motibus ad ejusmodi excretiones vergat & deveniat, & licet hinc inde ex Individuali hominû ratione hi apparatus à verâ constantiâ ordine & vigore deflectant, prospiciendum erit, qualem alias simplex, liberior & tranquillior indoles morbi, ordinem



& successum servarit, & an secundum hujus individui rationem qualiscunque motuum moderatio expediat & ex usu sit: qui enim morbi Indoli & essentiae sese non applicat, ille cum contrariâ methodo experietur, quæ experiri nunquam optaturus esset: Ingens hujus rei documentum præbet genius febrium, qui unicè ad secretiones & excretiones speciales & specialissimas tendit, imò qui sine hisce nunquam decurrit, aut cum hisce convenienter administratis salutariter terminatur & exit: ita si febres exanthematicas illas, quæ unicè ad periphericam exhalationem abeunt, remediis purgantibus, vomitoriis, aut sanguinis evacuationibus curare velle & posse quisquam polliceatur, aut aggrediatur, certè nihil aliud committit, quam quod contra febris indolem agat, & methodum non ex febre, sed ex opinionibus suis desumat: Tam providum pariter Medicus se gerere debet, partim in remediis universalioribus, partim aliis passim ad unum eundemque morbum laudatis & commendatis, sed convenit distictè & prudenter individualement habitum ritè perlustrare: ita enim quotidiana edocet experientia, quod unum remedium uni profuerit, alteri nocuerit in uno eodemque morbo, undè rectè ille sæpè laudatus medicorum Cicero eloquitur, *non eadem omnibus etiam in similibus casibus opitulantur*; & quæ in uno fortè fuerunt diaphoretica, in altero magnis anxietatibus, inquietudinibus, aliisque anomalis effectibus inservire poterunt & sueverunt: hinc prudenter attendere debet Medicus habitum verum cuiuscunque hominis & ægrotantis, sensibilitatemmo, tus & specialiter etiam mores, secundum quam notitiam peritè, cautè, non temerè, non improvidè, sed prudenter & convenienter artem medicam instruat & exerceat; neque tantum auctoritatibus unicè innitatur, sed proprium judicium, assiduitatem & experientiam adhibeat. *His enim, dicit Hippocrates, quæ non secundum rationem levant credere non oportet. Neque timere valde quæ præter rationem sunt prava: multa enim horum sunt inconstantia, incerta, neque multum perdurant, neque diutius perseverare solent*: hinc experientia attenta & rationabilis, huic rationi subvenit. Et hæc sunt quæ brevissimis adhuc de officio Medici circa adiaphora repetere & explicare dignum judicavimus. Deo interim omnis veritatis fonti pro præstito auxilio in nostro officio circa officia explicanda humillimas grates, laudem & honorem tribuimus, cum devoto suspirio, ut nobis & omnibus, qui certitudinem affertant, perpetuâ suâ gratiâ. clementiâ & directione assistat, & faveat.

#### Errata Typographica.

Pag. 4 lin. 18. leg. *ἰντεικν* & lin. 19. leg. *Φιλόσοφος*. Pag. 6. lin. 8. leg. artem Medicam. Pag. 8. lin. 2. leg. allaborent. Pag. 15. lin. 24. leg. minime. pag 16. lin. 18. leg. *ἐν*. & lin. 30. leg. illis. Pag. 26. lin. 11. leg. ast verò. p. 28. lin. 19. & 20. leg. morbidas. p. 29. lin. 17. leg. in theoriis. pag. 34. lin. 22. 23. leg. indoli. pag. 42. lin. 18. leg. *α' μεθοδία*. ib, leg. §, XXI. pag. 47. leg. §, XXIII.



*Nobili Ornatisimo ac Doctissimo*

DN. DEFENDENTI

hæc sincera manu apposuit

**Q**uid mea musa facis? nondum gratularis ovanti?  
Pandis Victori carmina nulla tuo?  
Rumpe moras, meritos quid plausus sola moraris?  
Adsis Pyeria ludere docta lyra.  
Vive serenatos *Interpres* vive per annos,  
Exigit hoc virtus, assiduusque labor.  
Artem pergito Apollineam explanare, labori  
Debit multum sic Medicina tVo.

Francisc. Sebast. Scharff,

Philos. & Med. Candidat. Cognat.

& Patriota.

---

**I**n tanto bivio vitæ frequentius anceps  
Ambiguusquæ animus multa sinistra capit;  
Ast quæ recta docent, doctè defendere monstras  
RESPONDENS chare. Sint bona cuncta Tibi.

*Amoris & memoriæ ergò hiscè brevibus de egre-  
gio hoc Specimine æstumatissimo suo Dno.  
Contubernali & amico gratulatur opponens*

George Glockengießer

Med. Stud.

